

برنجی سنه

شېريك هر چنده نشر اولونور

نومرو : ۲۷

صاحب امتیازی :  
شهیندر زاده قلبلی  
احمد ملی

اداره و تحریر محلی :  
جفال اوغلی جاده سنده دائره مخصوصه در .  
مخابرات صاحب امتیاز ایله جریان ایتلیدر .  
نسخه سی هر یرده یکرمی پاره در .

۲۶ ذی الحجه ۳۲۸



شرائط اشتراك :  
سنه لکی ۲۰، آلتی آیللی  
۲۰ غر و شدر

ممالك اجنبیه ایچون :  
سنه لکی ۱۰، آلتی آیللی ۶ فراتقدر . اعلانات ایچون  
اداره مأموری محمد زهنی بکه مراجعت ایدیلیر .

۲۹ کانون اول افرنجی ۱۹۱۰

۱۵ کانون اول ۱۳۲۶



وَأَعِزِّهِمْ وَأَعِزِّهِمْ : إِنَّا جَاءَنَا بِالْحَقِّ وَمَا نَزَّلْنَا



## ذکاوتی نقطه نظرندن

## انسان ابتدائی

انسان ابتدائی نتایج بعیده بی تخمین و تقدیردن عاجزدر. اوند، اعمال عمومی بی فهم خاصه سی مفقوددر. برشی حقه ذهن و اعتقادی متصلدر. جیادت، حقیقت حقه هیچ بر فکری اولیادینی کی افکار مجرد و معنوی دن دخی محرومدر. جیادت و حقیقت حقه هیچ بر فکری اولیادینی، رب و تنقید خاصه سندنده محرومیتی انتاج ایشدر. وحشیلده قوه خیالده قدره ابداع یوقدر.

انسان ابتدائی ده حواس جوق قوتلی در. بوسیله مبنی اونلرده «ادراک» قوتلدر.

نفوذ و دقت خاصه لری اینجهدر. طوغریدن طوغری به «ادراک» راجع اولان اعمالده بویوک مهارت لری واردر. [علم احوال روحده تفصیلاً بیان اولونان مسائلدن در که بوقیل احوال، خواص بسیطه نوعنددر.]

خواص بسیطه نك فعالیتیه خواص مرکبه فعالیتیه آرهنده جاری اولان رقابت قانونی موجبجه انسان ابتدائی ده غالب اولان «حیات نکره عاده» «حیات فکریه عاده» نك تمیسنه مانع اولور.

بروحشی العادی، تفصیلاته بیله دقت و اهمیت ویریر. لکن تفصیلات آرهنندن احکام چقار بلا جقار لری تفریقندن عاجز کی در. مبادیاً تدقیق و ملاحظه ایله اشتغال ایدر، فقط بونلردن منبیدار اولانلری، مجموعنك اینجده غالب و ضایع اولدینندن بو ملاحظات بیینی «تفکرات» نامی الاجق آثار بر اقدن هبا اولور. بو «عدم تفکر» کیفیت و وحشیلده هب کورولمکده در. اقوام متعدهده خاصه «تقلید» نه قدر ضعیف ایسه اقوام وحشیده اودرجه قوتلی در. بونقطهده فعالیت ادراکیه ایله فعالیت تفکریه آرهنده کی رقابت کوریلور. یعنی وحشیلده خاصه ادراک، خاصه تفکره غالبدر. وحشیلده خاصه تفکر و سیران فکری، تخیل و افکار اصلیه طرفندن غایت آز و حادثات خارجی طرفندن ده قوتلی اولار قوتلر و تولید ایدیلیر.

اشیا و اشخاصی وجداندن [۱] اولانواعی، صوکر ا اجناسی ودها صوکراده مراتب و اصنافی، بالانتقال وجدان اینجون، بسطدن مرکبه طوغری یوکسلدیکه، ذهنده ده جوق مقداره اوصاف و حالاتی ضبط ایتک لازمدر. بویله بر عملیه دماغیهده وحشینك قدرت عقلیه سی چابوق توکهنیر. بوندن مستبان اولور که انسان ابتدائی ده خاصه فهم جوق ضعیفدر.

بروحشی، تصنیف و ترتیب ایدیش معلوماتدن محرومدر. بوسیله مبنی معاسر بر فکرله بر حقیقت عمومی آرهنده کی عدم توافقی فرق ایدر، چونکه اونك اینجون تأسس ایش و میزان حکمی آتش حقایق [۲] یعنی وجداناً فهم ایتکدن:

دیمکدر. هیچ بر ذات، بو ضرورتدن مستغنی اولاماز. شو حالده بو تضادی ناصل حل ایدر؟

اگر «قدرة - قوة» ك عدم فعالیتی و حالت مخفیسه سی کوز لجه تفکر ایدر و صوکراده بو قوتك اشکالندن بریله ظهورینی حالت مخفیسه سیله مقایسه ایدر سه، روحك قبل التعلق تغایردن مزهیتی اسبابی اولدیکه واضح بر صورتده ادراک ایدر بیلیر.

بوراجقده استطراد قیادتدن بر قاج سوز سوبله مک ایستهرم، اوده: تکاملات فیه نك، مباحث عالییه ادراک خصوصنی نه درجه تسهیل ایتکده اولماسی در. جناب امامك روح حقه کی بیاناتنك ك مهم اقسامی، صرف حالات الهامیه و اذواق کشفیه سی در. بو حالات و اذواقدن بر حقیقت آکلامق، بر مناجی قارمق اینجون یا فن شکله کیرمش اشکال ایله تشبیه ایتک و یا خودده عین حالات و اذواقه مالک اولمق لازم کلیر.

غزالی درجه سنده حالات و اذواقه مالک اولان افراد بشریه هر عصرده آزددر. اولانلری ایسه معرفت روح اینجون کتاب اوقومغه و تعلمه محتاج اولمالار. دیمك فائده عمومی، بو حالات و الهاماتی بر شکل فیهده انظار عامیه قویقمده در. بو کونکی ترقیات فیه ایله بو خصوصار قولایلاشیور.

وامید ایدر بیلیر که متفکرین اسلامیه شرق و غربك اسلحه عالیسه سیله مجهز اولدیندن صوکر ا افراطم اسلام طرفندن سوبلنش و شدیدی به قدر معانی حقیقیه سی منکشف اولاماش نتیجه دقائن معرفتی اعماق مجهولیتدن زمین استفاده به چقار ایتکدر.

[صوکی وار]



## فلسفه عصر و علم اجتماعیات

— ۳ —

انسان ابتدائی «حقوق غیر رعایت» حسندن زیاده «انایت» حسیله ایش کوریر. واقعا، کاه حب اجتماع و یا قوتنه قارشی اطاعت، کاه خوف مجازاة کی احوالک باش کوستردیکی کابتدائی هیأت اجتماعیهده بیله حقوق غیر رعایت حسی مفقود دکلسده بو حس، انایت حسی طرفندن دائما شدتله دوچار معارضه اولور. قادینلره قارشی اجرا ایدیلن طرز معامله، هر مملکت و بالمله اقوام اینجون «حقوق غیر رعایت» کیفیتك حد وسطیستی ارائه ایدر. انسان ابتدائی نك بوحسابه کوزر، انایتی غالب اولدینی تحقق ایدر.

حقوق غیر رعایت حسندن حاصل اولان فکر جلیل «عدالت» و وحشیلده هیچ متکامل دکلددر. وظیفه فکری کی افکار عالیه دخی انسان ابتدائی ده یوق حکمنده در.

## حکایات

امام غزالی نك بر اثر مهمی  
کتاب المضمون به  
علی غیر اهله

جناب امام، روحك جوهر عاقل اولدینی وارواحك هیئت مجموعه سی کثرت و وحدت کی نمودن مجرد بولوندینی اثبات صدنده بر جوق ادله سردایتکدن صوکر ا دیور که:

فان قبل فکیف یكون حل الارواح بعد مفارقة الاجساد ولا تعلق لها بالاجسام وكيف تکثر وتغایر؟ فیقال لانها اکتسبت بعد التعلق بالابدان اوصافاً مختلفة من العلم والجهل والصفاء والكدورة وحسن الاخلاق وقبحها فثبت فيها متغایرة فتعقل کثرتها بخلاف ما قبل الاجساد فانه لا سبب لتغایرها.

اگر دینلیر سه که اجساددن مفارقندن صوکر ا ارواحك حلی ناصلدر؟ و اوکا اجسام تعلق ایتدیکي حالده ناصل تکثر و تغایر ایتدی؟ جواب ویریلیر که ارواح، ابدانه تعلق ایتدکدن صوکر ا علم و جهل، صفا و کدر، محاسن و قبايح کی اوصاف مختلفه قازاندی. بو اوصاف متغایر اولار ق، ازواحده منطبع قالدی، بوسیله روحك کثرتی تعقل ایدیلدی.

بو حال روحك اجساده تعلقندن اولکی حالته مغایردر. زیرا اجساده تعلقندن اول سبب مغایرت یوق ایدی.

روح مسئله نك ك مشکل الفهم اولان شو نقطه سنده بر جوق سؤاللر خاطر متبادر ایدر. روح ایله جسد آرهنده کی مناسبت نه در؟ عامل فعال روح می در؟ جسد می در؟ مسئول روح می در؟ بدن می؟ روحك جوهر عاقل اولیشی بر جسد تعلق حسیله می در؟ یوقه تعلقندن اولده عاقل می ایدی ونه بی تعقل ایدردی و هانکی آلات ایله؟

ایشته بشرتی بیکلر جه سنه در دوشوندیرن ودها بیکلر جه سنه وبلکده ابدیاً دوشوندیره جك اولان معمالر!

بو معمالردن بر قسمتی حل اینجون دکل، اونلرده کی حقیقتك براز دها حس و ذوقی تزید اینجون جناب امامك بیاناتی غایت صیق بر صورته تحلیل ایدر.

جناب امام ارواحه، علم و جهل کی اوصاف مختلفه نك اجساده تعلق حسیله کلدیکنی بیان ایدیلور. دیمك که ارواح، اجساده تعلقندن اول هر دورلو صفاتدن و تمیانتدن بری می ایش؟ جناب امامك فکرنندن بو آکلاشلیق لازم کلیر. قالدی که ذات بلا صفات تصویری معرفه ممکن اولسه بیله بو تصور بر حقیقتی افاده ایتز. صفاتی بیسنمز بر شی اولور، لکن صفاتدن محروم بر شی اولاماز. زیرا بحسب التحلیل صفات، ذاتك استمدادات وجودیه سی، صفحات تجلیسی